

TONG YULDUZI

O'zbekiston bolalari va o'smirlarining gazetasi

Gazeta 1929 yil 1 avgustdan chiqib boshlagan

№ 19 (66300)
2001 yil 11 may, juma

Sotuvda erkin narhda

- Ustoz, maktabimizning nomi nima uchun Taras Shevchenko deb nomlanadi? U o'zi kim? - so'rab qoldi bir o'quvchim.

-Taras Shevchenko ukrain yozuvchisi,-deya tushuntiraman men.-Litseyimizni 1966 yildagi qattiq zilziladan so'ng ukrainalik quruvchilar qurib berishgan ekan. Ularga minnatdorchilik ma'nosida maktabimiz ukrain yozuvchisining nomi bilan

Hamma narsani bilgilar, o'rgangilari keladi ularning. Men esa bilmaganlarini

harakat qilaman. Chunki, bolajonlarni juda sevaman...

beramiz. Direktorimiz Shohida opa Yoqubjonova rahbarligida ko'plab xayrli tadbirlarni

sezilib turibdi. Raqqosa-yu suxandoni ham o'zlaridan. Yaqinda ular bilan savodxonlik bayramini o'tkazdik, «Alifbe» bilan xayrlashib, «O'qish» kitobini qo'lga olishdi. Tadbirimiz juda ajoyib o'tdi. Farzandlari quvonchiga sherik bo'lish, ularni savodxonliklari bilan qutlash uchun kelgan onajonlarimiz ham bir olam

BULAB MENING O'QUVCHILARIM

o'rgatishga, qo'limdan kelgancha bilim berishga, har birining qiziqishu intilishlari bilan oshno tutinishga intilaman.



Ana shu mehr bois mana o'n yildirki Mirobod tumanidagi 110-litsey maktabda bolalar bilan ishlab kelmoqdaman. Maktabimizda 3000 dan ortiq o'g'il-qiz tahsil oladi. Ularga 150 dan ziyod men kabi ustozlar bilim

amalga oshiryapmiz.

Siz suratda ko'rib turgan o'g'il-qizlar mening o'quvchilarim. E'tibor bering-a, ilmga



taassurotlar bilan qaytishdi.
Fotima PO'LATOVA.



atalgan. Quvonsalar - quvonchlariga kabi savollari esa undan ham ko'p. sherikman. Nimadandir ranjib qolsalar, ko'ngillarini ko'tarishga

chanqoqliklari, bilimdonu ziyrakliklari yuzu ko'zlaridan

Kuni-kecha maktabimizda ana shu mavzuda tadbir bo'lib o'tdi. Tadbirga o'qituvchilarimiz boshchiligida jiddiy hozirlik ko'rdik. Maktabimizda giyohvandlikka qarshi olib borilayotgan ishlardan ko'rgazmalar tashkil qildik. 3- hamda 7- sinf o'quvchilari ota-onalari tushlik qilish uchun bergan pullariga sigaret olib chekadigan, darslarga kirmay yuradigan bolalar haqida sahna ko'rinishlari tayyorlashdi. Maktabimiz psixologi M. Xamedova o'quvchilar orasida olib borilayotgan suhbatlar, uchrashuvlar, tashkil etilayotgan ko'rgazmalar haqida gapirib berdilar. Narkolog-shifokor Shoxruh aka Sulonov bilan bo'lgan muloqotimiz

GIYOHVANDLIK - ASR VABOSI

ham juda qiziqarli o'tdi. Ularning hikoyalaridan qanday qilib giyohvand bo'lib qolish mumkinligi, uning ayanchli oqibatlarini, bu darddan davolanishning naqadar mushkulligi haqida ko'p narsalarni bilib oldik. Masalan, giyohvand moddaning atigi 1 grammi 10-12 ming so'm turar ekan. Giyohvandlik kasaliga uchragan bemorlarning 10 kunlik davolanishi uchun bir million so'mga yaqin mablag' talab qilinarkan. Yana SPIDning ham o'ta xavfli kasallik, ya'ni saraton xastaligining bir turi ekanligini tushunib yetdik.

«Giyohvandlik nimadan boshlanadi? Bu yo'lga kirib borayotgan o'smirlarni qanday to'xtatish mumkin? SPID ga chalingan bemorlarni to'liq davolab bo'ladimi?» kabi bizni qiziqtirgan o'nlab savollarimizga to'liq javoblar oldik. Tuman IIB voyaga yetmaganlar bilan ishlash bo'limining mas'ul kotibi X.J. Xolboyevaning chiqishlaridan voyaga yetmaganlar bilan olib borilayotgan ishlar, qonunbuzarlikka yo'l qo'ygan o'smirlarning jinoyi hamda ma'muriy jazolarga tortilishlari mumkinligi haqida bilib oldik.

Tadbirimizga tashrif buyurgan Beruniy mahallasi oqsoqoli Saidnabi xoji otaning nasihatlarini, tumanimizdagi 34-oilaviy shifoxonadan kelgan ayollar shifokori Malika opa Xudoyberdiyevaning biz qizlarga bergan maslahatlarini tingladik. Tadbirning tarbiyaviy ahamiyati katta bo'ldi, deb o'ylayman. Chunki, har birimiz undan o'zimizga tegishli xulosalar chiqarib oldik.

Nargiza JALILOVA,
Toshkent shahar, Sobir Rahimov tumanidagi
249-maktabning 7-«V» sinf o'quvchisi.



Birinchi sinfga borgan paytlarimizda maktabni unchayam yaxshi ko'rmagandik. Chunki, u yerda bog'chamizdagidek o'yin mashg'ulotlari, sayllar yo'q edi. Ana shunda ustozimiz Oltinoy opa Akaboyeva bizning ko'nglimizga yo'l

topdilar. Ustozimiz o'qib bergan she'rlarni, jajji hikoya-yu ertaklarni jon qulog'imiz bilan tinglardik. Bora-bora Oltinoy opamizni, ularning darslarini sog'inib kutadigan bo'lib qoldik. Ular ko'magida ongimiz oshdi, dunyoqarashimiz kengaya bordi, olamni taniy boshladik...

Bir kuni Oltinoy opam bir onaxonga ko'chada yordam bermay o'tib

ketgan bolakay haqida hikoya o'qib berdim-da, uning qilmishini qanday baholaysizlar? deya savol tashladilar. Hammamiz baravariga «u noto'g'ri qilgan» deya javob qaytardik. «Barakalla, hammangiz aqlli, odobli, yaxshi bolalarsiz», deb bizni maqtab qo'ydilar. Biz esa ustozimizni

Dil ishori


sevintirish uchun har kuni yaxshi bo'lgimiz keladi. Hademay ikkinchi sinfni tamomlab, uch oylik ta'tilga chiqamiz. Ustozimizni uch oy ko'rmasak, juda sog'inib qolamiz-ku. Shuning uchun dugonalarim

OLTINOY OLTIN OPAM
Gulchehra va Maftunalar bilan maslahatlashib, ta'tilda ham tez-tez ularni ko'rgani borib turishga kelishib oldik. Ana shunaqa gaplar, Oltinoy - oltin opa!
Feruza RAHMONQULOVA,
Toshkentdagi Usmon Nosir nomli
241-maktabning
2-«B» sinf o'quvchisi.

Maktabimiz o'quvchilari doim maktablararo ochmoqchilar. O'quvchilar hozirdanoq ushbu musobaqalarda yuqori o'rinlarni qo'lga kiritib to'garakka a'zo bo'lishga shay. Chunki keladilar. Chunki

SPORT - SOG'LIK GAROVI

bizga yuqori o'rinlarni zabt etish yo'llarini o'rgatadigan, bizni chiniqtiradigan va bizga murabbiylik qiladigan ustozimiz Toshboy Husanov bo'ladilar. U kishi tayyorlagan har bir o'quvchi qayerga bormasin, yuqori o'rinlarni egallab qaytishi muqarrar. Yana ustozimiz karate to'garagini



kurashi barchaga yoqadi-da. Biz kelayotgan ta'til kunlarida asosan sport bilan shug'ullanib, musobaqalar uyushtirmoqchimiz.

Munisa SHARIPOVA,
Buxoro viloyati,
G'ijduvon tumanidagi
25-maktabning
7-«A» sinf o'quvchisi.

YOSH MATEMATIKLAR

Yaqinda maktabimizda «matematika va informatika» fan haftaligi bo'lib o'tdi. Unga barcha o'quvchilar o'z ustozlari bilan puxta tayyorgarlik ko'rdilar. Maktabimiz binosi-yu, sinxonalar matematikaga oid belgilar - funksiyalar, tenglamalar, shakllar tushirilgan plakatlar bilan yasatildi. Haftalik atoqli o'zbek matematigi Sag'di Xasanovich Sirojiddinov tavalludining 80 yilligiga bag'ishlandi. Biz haftalik tufayli S. X. Sirojiddinov hayoti va ijodi bilan yaqindan tanishdik. Shuningdek, bilag'on o'quvchilarga mukammal tenglamalar va masalalarni bir daqiqa ichida yechishdek murakkab topshiriqlar berildi. Ular o'zlarining zukkoligi bilan hammani lol qoldirdilar. Haftalik bizni matematika va informatika fanlariga qiziqishimizni yanada oshirdi.

Farg'ona viloyati, Oltiariq tumanidagi
8-maktabning
7-«A» sinf o'quvchilari.

NON AZIZ VA HALOL

Dasturxonidagi qip-qizarib, bo'rsildoq bo'lib pishgan nonga dehqonning qanchadan-qancha mashaqqatli mehnati, peshona teri ketmaydi, deysiz. Mahallamizda yaqinda bir to'y bo'ldi. To'y dasturxoniga xilma-xil ne'matlar bilan birga non ham tortildi. To'y yakunlana boshladi, davraga ovqat tortilgach, keksalar va o'rta yashar erkaklar davrani tark etdilar. Shu

payt to'y davrasida o'ynash uchunmi yoki dasturxonidagi ul-bullardan olish uchunmi, yosh bolalar dasturxonidagi non bo'laklarini bosib, u yoqdan bu yoqqa chopib ketishdi. Shunda yoshligimdagi bir voqea esimga tushdi. Men 6-7 yoshlarda edim, hovlida o'ynab yurib, ukam qo'lidan tushib qolgan non bo'lakchasini bosib olibman. Shunda supada o'tingan bobom bilan buvim birdaniga «ko'zing ko'r emasmi, nonni bosding, gunohga botasan, darrov qo'lingga ol» deyishdi. Nonni chetroqqa olib, endi qo'yay deb tursam, bobom: «Nonni uch marotaba peshonangga tekkizib o'pginda, menga ber», dedilar va haligi nonni yuvib yeb qo'ydilar. Men hayron bo'lib: «Axir dasturxonida non bor-ku», dedim. Shunda bobom: «Nimani xor qilsang, shunga zor bo'lasan», dedilar. «Eh, bolam ilohim sizlar bizlar ko'rgan kunlarni ko'rmanglar», deb uzoq o'ylanib qoldilar-da, bir hikoyani aytib berdilar. «Qadimda bir badavlat kishi bo'lgan ekan. U shunday badavlat ekanki, qo'lini qayerga uzatsa ham yetar ekan. O'sha badavlat kishi har doim yetim-yesir, beva-bechoralar holidan xabar olib turar ekan. Shunday kunlarning birida uni oldidan bir donishmand chol chiqib qolibdi. Shunda u: -Ey nuroniy donishmand, nima qilsam davlatim qaytadi, - deb so'rabdi. Donishmand o'ylanib turib, noningni yurib yesang, deb javob beribdi.

Haligi davlatmand kishi nonni qo'lga olibdida, yurgan yo'lida yeb ketayotsa, nandan ozgina ushug'i yerga tushib ketibdi. O'sha badavlat kishi non ushug'ini qidirib topa olmabdi. Shunda non ushug'i tushgan joyni devor bilan o'rab ketibdi. Shundan keyin uni davlatiga yana davlat qo'shibdi. Ana shunda u mening davlatim - nonni e'zozlashimdan

ekan, deb o'ylabdi. Men qancha harakat qilmay, endi boshqacha bo'la olmayman», - debdi...

O'sha kuni to'ydandan kelib uzoq o'yladim, axir biz ham non ushug'ini e'zozlasak, uni ko'zlarimizga to'tiy qilsak, ona yurtimiz mustaqil O'zbekistonning boyligi, xalqining rizqu-ro'zini asrashga munosib ulushimizni qo'shgan bo'lar edik. Mana shu masalani mahalla oqsoqollari o'ylab ko'rsalar, to'ylarda isrofgarchiliklar kamaysa, bu to'yxonadonga ham, yurtimizga ham ancha foyda bo'lar edi.

Men o'sha kuni haligi bolalarni chetroqqa chaqirib, qilgan xatti-harakatlarini qanchalik yomon oqibatlariga olib kelishini tushuntirdim. Bolalar kechirim so'rab, darrov bosgan nonlarini terib oldilar. Agarda biz kattalar yoshlar qilgan ozgina xato kamchiliklarini yaxshi gap bilan tushuntirsak, yurtimiz nonga zor, nomardga xor bo'lmaydi, deb o'ylayman.

Rizqu ro'zimiz nonni asrab avaylab, ajdodlarimizga munosib avlod bo'laylik!

Omonjon SAPOYEVA,
Xorazm viloyati,
Shovot tumanidagi 19-umumiy o'rta ta'lim maktabining

fransuz tili o'qituvchisi.

USTOZIMIZ MEHRIBON

Ustozlarimizni otalarimizdek ulug' insonlar, deya e'zozlaymiz. Maktabimizda bunday hurmatu ehtiromga loyiq bo'lgan mehribon muallimlarimiz ko'pchilik. Lekin sinf rahbarimiz Maysara opa Oripovani hammadan ham ko'proq yaxshi ko'ramiz. Ular o'tadigan ona tili va adabiyot fanlariga juda qiziqamiz. Chunki darslarni qiziqarli, mazmunli o'tadilar, ona Vatan haqida, shoirlarning hayoti va ijodi haqidagi asarlardan o'qib beradilar, odobu axloqni, yurish-turish madaniyatini ham o'rgata boradilar. O'zlari she'rlar ham yozadilar. She'r o'qishlarini aytmaysizmi?! Nazarimda hech kim ulardek chiroyli va ifodali qilib o'qiy olmasa kerak.

Ustozimizning fidoiy mehnatlari munosib taqdirlandi. O'tgan yili «Sog'lom avlod uchun» ordeniga sazovor bo'ldilar. Biz ana shunday ajoyib va mehribon ustozimiz borligidan faxrlanamiz va ulardek bo'lishga intilamiz.

Yulduz ABDURAHMONOVA,
Toshkent shahar, Chilonzor tumanidagi 126-maktabning
7-«A» sinf o'quvchisi.

SHOIR BO'LAMAN

Aziz «Tong yulduzi» xodimlari. Men qo'limga qalam olib, ilk marotaba sizga maktub yo'llayman. Xatim sizlarga yetib boradi, degan umiddaman. Men gazetaga obuna bo'lganman. Shuning uchun ham har bir sonini o'qib boraman. Undagi rang-barang ruknlar ostida berilayotgan maqolalar, she'rlar, hikoyalar va ayniqsa, kitobchalar zo'r taassurot qoldiradi. «Tengdoshlarning ijodi»ga bir qancha she'rlarimni jo'natyapman. Albatta she'rlarim mukammal emasdir. Biroq, qalbidagi his-tuyg'uning bayonidir. Shular orasidan ona yurtim - O'zbekiston mustaqilligining 10 yilligiga bag'ishlab yozgan to'rtligim o'zimga juda yoqadi.

Keldi davron, ona yurtim,
O'n yil bo'ldi to'yingga.
Senga xizmat - mening burchim,
Bo'y bo'layin bo'yingga.

Shuhrat MAMIROV,
Andijon viloyati,
Bo'z tumanidagi
13-gimnaziyaning o'quvchisi.

MAG'LUBLAR BO'LMADI

Yaqinda Angren shahrida bo'lib o'tgan X-Respublika iqtidorli bolalar anjumanida dugonam ikkimiz «o'lkashunos-geograf» sho'basi bo'yicha ishtirok etganimiz haqida yozgandim. O'tgan yili Respublika o'quvchilar saroyida iqtidorli bolalar IX-anjumanning ochilish marosimini ko'rib, uning ishtirokchilari bo'lgan tengdoshlarimga juda havasim kelgandi. Bu yil esa ana shu anjumanga qatnashish baxtiga o'zim ham muyassar bo'ldim.

Keskin o'tgan bellashuvlar yakunlanib, g'oliblarni taqdirlash marosimi boshlandi. Barchamizning hayajonimiz cheksiz edi. Shunda hakamlar hay'ati raisi anjumanda mag'lublarni bo'lmaganini, hamma g'olib ekanligini e'lon qildi. Chunki bu yil an'anaviy tarzda o'tkazib kelinayotgan bu anjumanning o'n yillik yubileyi ekan. Shu

munosabat bilan har birimizga «Faxriy yorliqlar va «Respublika iqtidorli o'quvchisi» degan nom berildi. Hatto to'garak rahbarlarimiz ham chetda qolishmadi, mukofotlar bilan taqdirlandi. Kezi kelganda, to'garak rahbarimiz Jahongir aka Musayevga bizga bergan bilimlari, foydali maslahatlari uchun o'z minnatdorchiligimni bildirmoqchiman.

Uch kunlik anjuman yakunlandi, respublikamizning turli viloyatlaridan kelgan tengdoshlarimiz uy-uylariga tarqab ketishdi. Bu tadbir nafaqat bellashuvlar, balki tanishuv, do'stlashuvlar anjumani ham bo'ldi. Yangi-yangi do'stlar ortirdik, xat yozishib turishga ahdlashdik.

Sajida JABBOROVA,
Toshkent tumanidagi
2-o'rta maktabning
9-«A» sinf o'quvchisi.

IMKONIYAT

Bizning maktabda iqtisod faniga ixtisoslashtirilgan sinflar mavjud. Men ham ana shunday sinfda tahsil olaman. Sevimli gazetamiz sahifalarida berilgan «Iqtisod saboqlari» sirtqi maktab tanlovi biz uchun ayni muddao bo'ldi. Ayniqsa, maktabimiz o'quvchilari orasida qizg'in munozara avj oldi. Chunki barchamiz ushbu tanlovda muntazam qatnashishga va javoblarimizni o'z vaqtida tahririyatga yuborishga ahd qildik. Ustozimiz A. Murodov aytganlaridek, tanlov tashkilotchilari Ergashvoy Sariqov va Bahodir Haydarovlar boshlagan savobli ish Respublikadagi barcha maktab o'quvchilarini ishtirok etishga, o'z bilimlarini sinab ko'rishga va yutuq sohibi bo'lishga imkon yaratadi. Shuningdek, iqtisodan bilimlarimiz yanada mustahkamlanib, charxlanib boradi.

Umida JALMANOVA,
Jizzax shahridagi
6-maktabning
6-«B» sinf o'quvchisi.

O'Z-O'ZINI BOSHQARISH

Maktabimizda o'z-o'zini boshqarish kuni bo'ldi. O'quvchilardan iborat rahbarlar butun maktab faoliyatini olib bordi. Maktab direktori vazifasini 11-«B» sinf o'quvchisi Oybek Sultonov, direktor c'rinbosarini Adham Rahmonov, ilmiy mudir yuzasini Jo'rabek Ashurovlar bajarishdi. Komila Alimova maktab yetakchisi vazifasini o'tadi. Shuningdek, 9-11 sinf o'quvchilarining eng faollari boshlang'ich va fan o'qituvchiligini bajarishga astoydil harakat qilishdi. Maktab rahbarlari va o'qituvchilar o'z shogirdlarining darslarini tahlil qilib bordilar. Faollar rag'batlantirildilar.

Bir maktabdan ikki maktub

Sinfimizda «XXI asr mening tasavvurimda» mavzusida bahs bo'lib o'tdi. O'quvchilar Yaponiya, Amerika kabi davlatlar haqida to'lib toshib gapirishdi. U yerlarni havas qilishlarini aytishdi. Shunda hayron qoldim. Nahotki barkamol, mustaqil avlod Yaponiya-yu Amerika haqida to'liqlanib gapiradi-yu, O'zbekistonning kelajagi haqida bosh qotirmaydi? O'zining istiqbolini o'ylamaydimi? Xorijdagi tengdoshlarimizdan qayerimiz kam? Axir

QIZG'IN BAHS

ularda bor ko'z, qo'l, oyoq, aql bizda ham bor. Agar biz o'z imkoniyatlarimizdan foydalansak, bilim va iste'dodimizni charxlasak, chet ellarni emas, o'z yurtimizning dovruq'ini taratishni o'ylab qolamiz. To'g'ri-da, bilimmi inson o'z yurtining ko'zgidir. Qaysi mamlakatga bormaylik, bizga qarab turib, yurtimizga havas qilishsin.

Shohida SHARIPOVA,
Qashqadaryo viloyati,
Kitob tumani,
Yusuf Xos Hojib nomidagi
5-o'rta maktabning
8-«B» sinf o'quvchisi.





Mehri Sharipova nomi bilan ataluvchi 197-maktabimiz poytaxtimizning Akmal Ikromov tumanida joylashgan. Bilim maskanimizda 2025 nafar o'g'il-qiz ta'lim-tarbiya oladi. Ularga 106 nafar ustoz-murabbiy astoydil saboq berishadi. Men ham uzoq yillardan buyon mana shu dargohda mehnat qilaman. Nokamtarlik bo'lmasinu maktabimizda maqtasa maqtagudek xayrli ishlarimiz talaygina. Bularning bariga maktabimiz direktori Rahimjon aka Qosimov bosh-qoshlar. Rahbar bo'lib kelganlariga atigi bir yarim yil bo'ldi. Lekin shu qisqa fursat ichida maktabimizni zamon talablari asosida jihozlash, fan xonalarini texnik vositalar bilan to'liq ta'minlash, milliy kadrlar tayyorlash dasturi asosida ish olib borib, o'quvchilarning darslardan bo'sh vaqtlarida maktab va mahallada tashkil qilingan to'garaklarga jalb qilish borasida

tinimsiz ish olib boryaptilar.

Bu o'quv yilida maktabimizni 9-sinflar bo'yicha 216 nafar, 11-sinflar bo'yicha esa 51 nafar o'g'il-qiz bitirib, mustaqil hayotga yo'llanma oladilar. Maktabimiz o'qituvchilar

qatnashib, munosib o'rinlarni egallab kelishyapti. Yaqinda «Mahallada sog'lom muhit-maktabda sog'lom avlod» shiori ostida o'tkazilgan ko'rik-

tanlovning ham ishtirokchilari bo'lishdi.

O'quvchilarni kasbga yo'naltirish borasida ularning ota-onalariga so'rovnomalarni tarqatilib, qaysi bolaning qay bir

BIZDA SHUNDAY MASKAN BOR

MAKTABIM - SENI MAQTAGUM

tayyorlashga yo'naltirilgan emasmi, juda ko'plab bitiruvchilarimiz yana jonajon maktablariga qaytib, o'qituvchilik qilish niyatini bildiryaptilar. Hozirda bolalarga bilim berib kelayotgan ustozlarimizning ko'pchiligi s o b i q bitiruvchilarimizdirlar.

Maktabimizda ma'naviy-ma'rifiy ishlar rahbari Malika Baratova boshchiligida bu sohada ham o'rnak olsa arziqli ishlar amalga oshirilyapti. Mehnat, musiqa, sport, qo'yingchi, har bir fan bo'yicha imkon qadar to'garaklar tashkil etilgan. Tuman mehnat birjalari bilan hamkorlikda savdo yarmarkalari o'tkazish yaxshi bir an'anaga aylangan. O'quvchilarimiz «O'zbekiston - Vatanim manim» ko'rik-tanlovida ham muntazam



kasbga moyilligi borligi aniqlandi va shu maqsadlarda tumanimizdagi MHKXX (Milliy Hunarmandchilik Kasb-Hunar Kolleji) hamda, tasviriy san'at akademik litseyi bilan shartnomalar tuzdik.

Men ham shu ahil jamoaning vakili sifatida o'quvchilarimni ma'naviy-ma'rifiy jihatdan zamon talablariga mos o'g'il-qizlar qilib tarbiyalash borasida izlanyapman. Ularga onatili va adabiyot fanidan dars berish bilan birga «O'lkamizni o'rganamiz» shiori ostida avval ona shahrimiz, so'ngra viloyatlarimiz bo'ylab sayohatlarga olib chiqyapman. Yaqinda 8-, 9-sinf o'quvchilarini Samarqand shahriga olib bordim. Quvonarlisi shundaki, bizga bolalarning ota-onalari ham hamrohlik qilishyapti. Ko'hna va hamisha navqiron shahardan bir olam taassurotlar bilan qaytdik.

Maktabimizda adabiyotga, she'riyatga ixlosmand o'quvchilar



ham talaygina. Ular «Yosh qalamkashlar» to'garagimizga qatnab, she'rlar, hikoyalar yozishning mashqini olishyapti. Maktabimiz hayotidagi hech bir

USTOZIMGA

Mening bola chog'imda, Qo'llarimdan yetaklab. Quyoshdek dil bog'imga, Nurin to'kkan etaklab.

Mehribon bo'lg'in, degan, Mehrga to'lg'in degan. Mening Dilorom opam, Siz bilan go'zal olam.

Yuz yoshga kirib yuring, Biz bo'laylik xizmatda. Shogirdlar ardog'ida, Bo'ling doim izzatda.

Nilufar MIRZAYEVA,

7-«A» sinf o'quvchisi.

yangilik, o'tkazilayotgan tadbirur tantalar ham ularning nigohidan chetda qolmaydi. Quyida ana shunday qalamkash o'g'il-qizlarimiz ijodidan namunalar havola qilyapmiz.

Zaripa ABDUAZIMOVA.

KEKSALAR DUOSIN OL

Tunov kuni maktabdan qaytayotgandim. Mendan biroz oldinroqda ketayotgan bir onaxonning bexosdan qoqilib tushganiga ko'zim tushdi. Yugurib borib, qo'llaridan tutgancha turg'azib qo'ydim. Qo'llaridan yuklarini olib, uylarigacha kuzatib qo'ydim. Onaxon menga rahmat aytib, uzundan uzoq duo qildilar...

Uyga kechroq qaytdim. Bo'lgan voqeani buvimga aytib bergandim, ulardan ham rahmat eshitdim:

Yaxshilik qilsang bo'lur joning omon,
Yaxshilikdan hech kishi qilmas ziyon,
deya boshimni silab qo'ydilar.

Shahnoza AXTAMOVA,

5-«V» sinf o'quvchisi.

BOBOLAR ORZULAGAN SOG'LOM AVLODMIZ

Sohibqiron Temur yetishdi bizda,
Ulug'bek hoki bor har bosgan izda.
Salomatlik bo'lsin har o'g'il-qizda,
Axir yurt kelajagi- sog'lom avlodmiz.

Agar sog'lom bo'lsak, marra bizniki,
Bu yorug' kelajak o'g'il-qizniki.
Olis cho'qqilar ham go'yo bizniki,
Axir hayot chirog'i - sog'lom avlodmiz.

Har yurtning posboni - sog'lom avloddir,
Yov uchun qalqoni - sog'lom avloddir,
Musaffo osmoni - sog'lom avloddir,
Sog'lom avlod axir - sog'lom hayotdir.

Keling, biz doimo bardam bo'laylik,
El xizmatida hardam bo'laylik,
Yurt tinchini ko'zlab, qalqon bo'laylik,
Bobolar orzu qilgan sog'lom avlodmiz.

N. SHOABDIYEVA.

XAYR, MAKTABIM!

Ilm nuri bilan to'ldi qalbmiz,
Katta hayot sari undading bizni.
Saboq berib bizga ochding ko'zimiz,
Unutmaymiz maktabim, ustozlar sizni!

Endi esa bizni kutar kelajak,
Hayot deb atalmish nurli so'qmoqlar.
Mustaqil hayotga shaymisan, deya-
Go'yoki bizlarni Vatan so'roqlar.

Ta'zimdamiz bugun sizga ustozlar,
Poyingni ko'zlarga surtgum maktabim.
Kelajakda buyuk insonlar bo'lib,
Mehnatigiz oqlab, noming maqtagum.

Ayvoningdan go'yo qaldirg'och misol,
Uchib ketmoqdamiz mag'rur bosh bilan.
Ulkan parvozlarga shaylandik bu kun,
Bag'ringdan ketyapmiz ko'zda yosh bilan.

Kamola TO'RAXO'JAYEVA,

8-«Y» sinf o'quvchisi.

YOZGI TA'TILDA

Mana, o'quv yili ham oxirlab qoldi. Sanoqli kunlardan keyin barchamiz uchun sevimli bo'lgan yozgi ta'til boshlanadi. Ta'tilni har kim turlicha o'tkazadi. Qishloqdagi tengdoshlarimiz Toshkentga kelib, sayru sayohatlar qilishadi. Biz esa aksincha, qishloqqa



oshiqamiz. U yerda mening buvijonim yashaydilar. Keng dalalar, adirlarda opam Zumrad, u k a l a r i m Ulug'bek, Umid, singlim Mohiralar b i l a n bekinmachoq, quvlamachoq, oq terakmi, ko'k terakmi kabi o'yinlarni o'ynab, hecham zerikmaymiz. U yerda o'rtoqlarimiz ham juda ko'p. Qornimiz ochib qolsa, buvijonim tandirdan uzilgan issiqqina nonu qaymoq bilan siylaydilar. Xo'l mevalarning seroblignini aytmaymizmi? Eh, ta'til tezroq kelaqolsaydi.

Feruza QO'CHQOROVA.

ISTIQLOL NISHONASI

Aziz tengdoshim! Mana, yana bir kunimizni ortda qoldirib, yangi kunni qarshi oldik. Umrimizning yana bir kuni o'tmishimizga aylandi. Bu esa yoshligimiz-g'animat onlarimiz o'tib borayapti, demak. Bu oltinga teng fursatni behuda o'tkazmay, o'qib-o'rganaylik, bilim cho'qqilarini egallaylik.

Yurtboshimiz bizlarni «bolalarim» deydi, komil insonlar bo'lib ulg'ayishimiz uchun kuch-g'ayratlarini ayamaydilar, barcha shart-sharoitlarni yaratib beryaptilar. Shunday ekan, biz ham ularga munosib farzand bo'laylik, aka-opalarimiz kabi chet ellarga borib, bilim olaylik. Yurtimiz dovrug'ini jahonga tarataylik. Axir kecha kim edigu bugun kim bo'ldik. Bularning bari Istiqlol sharofatidandir!

Mohira AKMALOVA,

5-«V» sinf o'quvchisi.

PISHIQCHILIK YAXSHI-KU, LEKIN...

O'lkamizda pishiqchilik oylari boshlandi. Tut, qulupnay, gilolar g'arq pishgan. Hattoki o'riklar ham shira tortib qoldi. Bularning bari tanimizda darmondorilarga ehtiyoj sezilayotgan bir paytda ayni muddao, koni foyda. Lekin ayrim tengdoshlarimiz yerdan tutlarni terib, yuvmasdan yeyishadi yoki bo'lmasa endigina dumbul bo'layotgan o'riklarni, olmalarni iste'mol qilishadi. Oqibatda qorinlari og'rib, ichak kasalliklariga chalinadilar. O'zlari ham azob chekishadi, ota-onalarini ham tashvishga qo'yishadi. Agar har birimiz ozodalikka rioya qilsak, bunday ko'ngilsizliklarning oldini olgan bo'lamiz.

Zulfiya USMONOVA,

5-«V» sinf o'quvchisi.

VATAN

O'zbekiston diyorim,
Sensan nomusim, orim.
Orzuingga erishding,
Qatorlardagi norim.

Bugun ko'rkning o'zgacha,
Yashnagaysan olamda.
Zavol ko'rmasan aslo,
Kechmas umring alamda.

Farzandlaring ardoqlab,
Baxt tilaysan bizlarga.
O'qib, o'rgan, kamol top,
Deysan go'yo bizlarga.

Zamira ODINAYEVA,
Jizzax shahridagi
Eshpo'lat Sodiqov nomli 15-
maktabning
6-sinf o'quvchisi.

KO'KLAM

Yalpiz sochib bog'imizga,
Kelin bo'lib keldi bahor.
Kunduz quyosh, oqshom
oydek,
To'lin bo'lib keldi bahor.
Sozin chaldi shabbadasi,
Chug'urlatib irmoqlarni.
Suv bo'yida biz talashib,
Terdik momaqaymoqlarni.
Tunda bug'doy maysa qo'rib,
Uxlamaydi oilamiz.
Mahallada axir bu yil,
Sumalakni biz qilamiz!..

Nodira TOJIYEVA,
Toshkentdagi Usmon Nosir
nomidagi 241-maktabning 5-
«V» sinf o'quvchisi.

PORLOQ
QUYOSHIM

Zulfiyaxonim singari,
Men ham she'rlar to'qiyman.
Jajji Zulfiya bo'lib,
Davralarda o'qiyman.

Tinglaganlar quvonib,
«Zulfiyaning qizi» der.
Ortida yangrab qolgan,
Jaranglagan so'zi der.

Bundayin maqtovlardan,
Ko'kka yetadi boshim.
She'riyatda Zulfiya,
Mening porloq quyoshim.

Maftuna YARASHEVA,
Samarqand viloyati, Siyob
tumanidagi 56-maktabning 6-sinf
o'quvchisi.



BUVIMGA

Dadamlarni boqqansiz,
Mahallaga yoqqansiz.
Shirin so'zingiz bilan,
Qalbinga o't yoqqansiz.

Nabiram deb suyasiz,
Bizni maqtab yurasiz.
Qornimiz ochqab qolsa,
Shirin kulcha berasiz.

Umida BOLTABOYEVA,
Andijon shahar, Hamid
Olimjon nomli 4-o'rt
maktabning 5-«G» sinf
o'quvchisi.

Asiz bolajonlar! Hur va obod diyorimizning baxtiyor o'g'il-qizlari! Asiz va ardoqlisizki,
sizga e'tibor baland. O'lgan yilimizning «Sog'lom avlod yili», maskur yilimizning esa
«Onalar va bolalar yili» deya nomlanishi ham sizga bo'lgan mehrdandir. Dono
siyosatimiz: o'qing, o'rganing, dunyoviy bilimlarni egallab, xalqimiz shonini jahonga
tarating» demoflikdir. Buning uchun qay biringiz yurt haqida qo'shiq kuylaysiz. Qay
biringiz diyorimiz jamolini ko's-ko's qilib, rasmlar chizasiz. Va deyarli har biringiz
ko'rsatilayotgan e'tiboru mehrdan shodlanib, she'rlar to'qiyasiz. She'riy mashqlaringizni
do'stlaringiz ham o'qishini orzulang, sevimli gazalangizga yo'llaysiz.
Quyida imkon qadar she'rlaringizdan qanday bo'lsa, shundayligicha namunalari o'lon
qilyapmiz. Shoyad, ularni sahifalarimizda o'qib, ilhom sarchashmalaringiz jo'shib ketsa!

SHE'R. SHE'R? SHE'R!..

MENGA MAZZA

Akam tovuq boqadi,
Opam gilam qoqadi.
Men hech bir ish qilmayman,
Zerikish nima, bilmayman.

Qiyin aka-opamga,
O'ynashga vaqti yo'q-da.
Ishlarni qiladigan,
Aka-opasi yo'q-da.

Munira AZIZOVA,
Sobir Rahimov tumanidagi 196-
maktabning
7-«A» sinf o'quvchisi.



ASSALOM

Ko'chalarda yurganda,
Kattalarni ko'rganda.
Salom bergum erta-kech,
Kanda qilmam buni hech.

Assalomu-alaykum,
So'zin unutmay bir zum.
Odob-la uni aytgum,
Maktabdan shodon
qaytgum.

Bu so'z bizlarga meros,
Bobolardan qolgandir.
Har kim aytsa qanday soz,
U tarbiya olgandir.
Xondamir HOSHIMXONOV,
G'.G'ulom nomli 17-o'rt
maktabning 5-sinf o'quvchisi.

OQSHOM

Quyosh asta tog'lar ortiga,
Chekinadi, tunga berib yo'l.
Zulmat cho'kdi go'zal shaharga,
Zim-ziyodir har tomon,
o'ng-so'l.

Derazani ochib men asta,
Olislarga nazar solaman.
Oqshom payti esgan shamoldan,
Allanechuk zavq-shavq olaman.

Tashqaridan oqib kiradi,
Yengil, mayin, musaffo havo.
Qanot qoqib xuddi qush kabi,
Uzoqlarga uchaman go'yo.

M.HAKIMOVA,
Toshkent shahri, Chilonzor
tumanidagi 181-maktabning
7-sinf o'quvchisi.



O'ZBEKISTON

Men uchun aziz makon,
Onamdayin mehribon.
Yurtimsan O'zbekiston,
Tan oldi ro'yi jahon.

O'g'lonlaring pahlavon,
Kuchli, qo'rqmas,
ham chaqqon.
Bobomeros yurtimsan,
Jannatim O'zbekiston.

Quyoshing mangu porlar,
Qalbda Vatan ishqo' zo'r.
Buyuk ishlarga chorlar,
Vatanim O'zbekiston.

Shahloxon ISKANDAROVA,
Xorazm viloyati,
Shovot tumanidagi
42-maktabning
8-«A» sinf o'quvchisi.

DO'PPINING
DEGANLARI

Arslondek yigitlarning,
Qalqoni bo'ludurman.
Alp qomat jasurlarning,
Sardori bo'ludurman.

Ishchi, xizmatchi, dehqon,
Mehnatkashu ham sulton.
Barcha-barcha kiysa gar,
Doim bo'laman qalqon.

Bir ajib hislatim bor,
Aytmoqqa qilmasman or.
Do'ppi kiygan insonga,
Bo'laman sodiq hamkor.

Sof o'zbekning boshida,
Bo'lmoq mening orzuim.
Ollah suygan insonga,
Xizmat qilmoq bor o'yim.

Xurshida RAJAPOVA,
Andijon shahridagi
4-o'rt
maktabning
11-sinf o'quvchisi.

VATANIM

Vatanim joni dilim,
Muqaddas ona tilim.
Senga ta'zim aylayin,
Tuproq'ingni o'payin.

Sen mening jon onamsan,
Yakkayu yagonamsan.
Seni jondan sevgaymiz,
Hatto jonni bergaymiz.

Shoxruh SHUKURULLAYEV,
Qashqadaryo viloyati,
Kitob tumanidagi
51-maktabning
2-sinf o'quvchisi.



KAPALAGIM

Kapalagimning rangi,
Tovus kabi rang-barang.
Bejirim qanotlari,
Xilpirab turar, qarang.
Oh, qandayin go'zal u,
Qarab ko'zim to'yamaydi.
Chiroyidan zavqlanib,
Bor vujudim quvnaydi.

Shahnoza RAHMONOVA,
Yunusobod tumanidagi
258-o'rt
maktabning
8-«A» sinf o'quvchisi.

QUYONLARGA
SABZI

O'rmonda ayyor tulki yuribdi,
Quyunchalarni poylab turibdi.

Tulkini tutib, qafasga solaylik,
Quyunchalarga esa
sabzi olaylik.

Dilhayot SODIQ,
Namangan viloyati,
Norin tumanidagi 1-o'rt
maktabning 5-sinf o'quvchisi.

MUQADDAS VATAN

Ko'ksini qalqon qilgan,
Dushmanni yakson qilgan.
Yurt boshini asragan,
O'g'lonlarga ming rahmat!
Yurtfurushga ming la'nat,
Topdilar qanday manfaat?
Ko'rdilar faqat nafrat,
Yo'q qilgaymiz biz har vaqt.
Ulg'aymoqda yosh avlod,
Barkamol bo'lar hayot!

Ma'mura ISOMOVA,
Yangiyo'l tumanidagi
35-maktabning
7-sinf o'quvchisi.

MUSTAQIL
O'ZBEKISTON

Har ishda bo'lar bir tan,
Yumush buyursang har on.
Onasan baxti kulgan,
Mustaqil O'zbekiston.

Tanlaganing porloq yo'l,
Shuhratli bo'l, taxtli bo'l.
Bir umrga baxtli bo'l,
Mustaqil O'zbekiston.

Dilafuz ISLOMOVA, 322-
maktabning 8-«A» sinf
o'quvchisi.



BAHOR KELDI

Bahor kelib o'lkamga,
Atrof gulga to'ladi.
Xursandlikdan tabiat,
Goh yig'lab, goh kuladi.

Ko'kda quyosh jilmayib,
Borliqqa nurin sochar.
Tog'lar yashil libosda,
Daraxtlar kurtak ochar.

Boychechagu binafsha,
Bahor elchisi bo'lar.
Bahoriy ilqlikdan,
Dillar quvonchga to'lar.

Nafis gullardan jamlab,
Guldastalar teramiz.
Bayramlar bilan qutlab,
Onalarga beramiz.

Doshqozonda xalimu,
Qaynar biq-biq sumalak.
Odamlar bir-biriga,
Tilashar ezgu tilak.

Ulug'bek SOBIRJONOV,
Toshkent shahar, Sobir
Rahimov tumanidagi 298-
maktabning 4-«B» sinf
o'quvchisi.

KITOBMAN

Men kitobman, kitobman,
Go'yo ziyo, oftobman.
Bilim, ilm koniman,
O'qi! - degan xitobman.

Yuz savolga, yuz javob,
Olasan o'qib meni.
Bilimlar qasri sari,
Yetaklayman men seni.

Nodira BAHROMOVA,
229-maktabning 2-sinf
o'quvchisi.



tarqatib yuborilgan orkestr guruhi ham Adham akaning sa'y-harakatlari, yelib-yugurishlari bois qayta tiklandi. Maktab rahbari bilan bo'lgan suhbatimiz ham aynan ana shu orkestr faoliyati xususida bo'ldi:

- Bu bo'limni qayta tiklashimizga asosan o'quvchilarimizning o'zlari sababchi bo'lishdi. Tirishqoq, mehnatkash, san'atni hurmat qiladigan, sozini qadrlaydigan yoshlarimiz jamlangan bo'limimizning tashkil topganiga atigi 4 oygina bo'ldi. Lekin juda ko'plab tadbiri bayramlarda o'z dasturimiz bilan ishtirok etishga ulgurdik. Tomoshabinlarning olqishlarini aytmaymizmi?! Buning uchun bizga yaqindan yordam berib kelayotgan Glier nomidagi respublika o'rta-maxsus musiqa internat maktabi talabalaridan, «So'g'diyona» orkestr guruhi rahbari

Insonlar bor, o'z kasblariga astoydil mehr qo'yadilar, uning ortidan biror manfaat ko'rish yoki shon-shuhrat orttirish ilinjida

FIDOYI INSONLAR BOR BO'LSIN

emas, shunchaki sevadilar. Kasbini e'zozlagan kishilar hamisha ardoqda bo'ladilar.

Hikoyamiz qahramoni Adhamjon aka Rahimov ham ana shunday insonlar toifasidan. Mana, qariyb 21 yildirki, u hayotini san'atsiz, bolalarsiz tasavvur etolmaydi. Asli san'atkorlar oilasida dunyoga kelgan Adham Rahimov yoshligidanoq san'atga oshno tutindi. Musiqa maktablaridan birida tahsil oldi. Keyinchalik turli bilim maskanlarida xizmat qildi. Mana, ikki yildirki, poytaxtimizning Shayxontohur tumaniga qarashli 3-musiqa maktabiga rahbarlik qilib kelyapti. Shu qisqa fursatda maktab hayotida ko'plab yangiliklar, xayrli ishlar bo'layotganidan o'quvchilar ham, ularning ota-onalari ham mamnun bo'lishyapti. Maktabda 12 ta soz mutaxassisligi bo'yicha ansambl tashkil etildi, xor sinfi ochildi, yil boshidan buyon turli mavzularda 29 dan ziyod tadbir va tantanalar o'tkazildi. Maktabda bir paytlar faoliyat ko'rsatgan, lekin keyinchalik

Dilbar Abdurahimovadan hamda Toshkent Davlat Konservatoriyasi dotsenti Anvar Leviyevlardan behad minnatdormiz. Maqsadimiz - «So'g'diyona» orkestr jamoasi kabi mohir sozandalarni tarbiyalash, ular ijrosidagi kuylardan xalqimizni bahramand qilishdir.

- Bilishimcha, yoshlar uchun bu ixtiyoriy qo'shimcha saboq hisoblanadi? Orkestrning kelajagiga ishonasizmi?

- Orkestrimiz yana tarqab ketmaydimi, demoqchisiz-da. Menimcha yo'q. Chunki bo'limimiz ishtirokchilarining ishtiyoqlari baland, qiziqishlari zo'r. Qolaversa, ularni kiyim-kechak bilan ta'minlash masalasini ham ko'ryapmiz. Asosiysi, orkestr

a'zolariga oylik maosh belgilash zarurligi haqida tegishli tashkilotlarga murojaat qildim. Natija yomon bo'lmadi.

- Shuncha muammolarni hal qilyapsiz? Buning ustiga rahbarlik mas'uliyati, qiynalmayapsizmi?

- Kim qiyinchiliksiz biror narsaga erishibdi? Albatta rahbarlikning o'zi bo'lmaydi. Birovdan ish talab qilishdan avval, o'zim o'sha ishni amalda ko'rsata olishim, hamkasblaringa namuna bo'lishim lozim. Bolalarni juda sevaman. Shogirdlarimga mehr bilan boqib: «Umrim bekor o'tmayapti» deya quvonib qo'yaman. «Qo'lingdan kelsa doimo insonlarga yaxshilik qil, kelmasa, yomonlik ham qilma» degan maqolni o'zimga shior qilib olganman.

Farzandlarimga, shogirdlarimga ham shuni maslahat beraman.



Maktabimiz jamoasi bilan fikrlashib, kengashib, yoshlarimiz orasida turli mavzularda tadbirlar o'tkazishni rejalashtiryapmiz. Maqsadu maslagimiz

yagona - o'quvchilarimning tafakkur doirasini kengaytirish, bilimli, ilmi, madaniyatli insonlarni kamol toptirish!

- Maroqli suhbatigiz uchun tashakkur.

Matluba TEMUR qizi suhbatlashdi.

Uyimizda juda ko'p musiqiy asboblardan bor. Sababi, oilamiz sozandalar oilasidir. Dadam Xusniddin Yunusov O'zbekiston teleradio kompaniyasi orkestrida sozanda bo'lib ishlaydilar. G'ijjak chaladilar. Amakim Eldor Yunusov hofizlar, xolam Adiba Ergasheva xonanadalar, tog'am Mirkomil Ergashev ham g'ijjak chaladilar. Hammamizga bosh-qosh

bo'ladigan buvamlar Asqar Ergashev O'zbekistonda xizmat ko'rsatgan o'qituvchilar. O'ttiz yildan beri shogirdlariga musiqadan dars berish bilan

ta'mirlaydilar.

Uyimizga buvamning shogirdlari - mashhur insonlar tez-tez kelib turishadi. O'zbekistonda xizmat ko'rsatgan artist

Ahmadjon Dadayev, Shavkat Mirzayev, Otabek Faxriddinov va ko'plab sozandalarning tashrifi buvamni juda quvontiradi.

Dadam ham doimo o'z ustozlari

O'zbekistonda xizmat ko'rsatgan baxshi Ro'zimbek Murodovni faxr bilan tilga oladilar. Hozirda O'zbekistonda xizmat ko'rsatgan artist Ozoda Nazarova bilan hamkorlikda ishlaymoqdalar. Ulardan qo'shiq sirlarini o'rganmoqdalar.

Oyim Aziza Yunusova Hamza tumanidagi 497-bog'chada tarbiyachi bo'lib ishlaydilar. Dildora opam pionino chaladilar va raqsga tushadilar. Men bo'lsam, dadamdek sozanda bo'lishni orzu qilaman. G'ijjak chalish mahoratini ulardan o'rganmoqdaman. Kelajakda buvamlardek boobro' inson bo'lib yetishishga harakat qilaman.

Sharofiddin YUNUSOV,
Hamza tumanidagi
227-maktabning
3-sinf o'quvchisi.



Onalar yozadilar



DOIRA

O'g'lim chertar doira, Akasi, sen bir qara. Barmoqlari zarbidan, Ohanglar chiqar sara.

Mayli chalsin, yayrasin, Toleyi baland bo'lsin. Kelajak avlodlarin, Umri shodlikka to'lsin.

TO'RTLIK

Musiqaning sozi ko'p, Qochirimu nozi ko'p. Xo'p o'xshatib chalmasang, Ta'nalaru qozi ko'p.

Xosiyat G'OFUROVA.



ERTAK BO'LDI BOLALIK

Kel o'rtoqjon yonimga, Yoshlikni bir eslaylik. Tashvishlarni unutib, Bolalikni izlaylik.

Esingdami Xastimom, Xola-xola o'yinlar? Qo'g'irchoqlarga tikkan, Jajji-jajji kiyimlar?

Bayramlarda yasanib, Qilardik biz sayli-bog'. Orasidan qil o'tmas, Edik-ku biz chin o'rtoq.

Yillar o'tib ikkimiz, Bo'ldik uylik, bolalik. Ortda qoldi u damlar, Ertak bo'ldi bolalik.

AMMALARIMGA

Amma keldi, hamma keldi, Xalqda ajib naql bor. Turib qara, birov keldi, Darvozadan xabar ol.

Kelgan bo'lsa ammalaring, Quchoq ochib kutib ol. Uy to'ridan joy ko'rsatib, So'zlaringdan tomsin bol.

Yelkasiga qo'yib boshim, Quyib beray choyimni. Chunki ular eslatishar, Menga Savri oyimni.

GULNORA.

Bir bor ekan, bir yo'q ekan, bir hovlida keksa bir ayol yashar ekan. Undan hech kim xabar olmas ekan. Bolalari uni umuman tanimay ketishibdi. Lekin baxtiqaro onaning bir sandig'i bo'lgan ekan. Bir kuni hech narsadan hech narsa yo'q o'g'li kelib qolibdi. Bechora ayol o'rnidan turolmaganidan foydalanib, ayyor o'g'ilning ko'zi sandiqqa tushibdi. O'g'il sandiqni ochmoqchi bo'libdi-yu, qulfning kalitini topa olmasdi. Shunda u negadir onasiga «mehribonchilik» qila

boshlabdi. Ona bo'lsa: «Oxiri bolam mening qadrimni bilibdi. Nahotki men unga kerak bo'lib qolgan bo'lsam?» - deya ajablanibdi. Bechora ayol bolasi

O'g'li: «Shunday, qiziqib qoldim». Ayol ko'zida shabnamdek yosh olib, o'g'lining mehribonchiligini sababini darrov payqabdi, lekin

hayvonlar ham o'z onasining qadriga yetadilar. Bu dunyoni qaytar dunyo deyдилar». O'g'il xatni mayda-mayda qilib, yirtib tashlabdi. Keyin esa uydin shaxdam qadamlar bilan chiqib ketibdi. Uning holi o'zingizga ayon.

Ana endi kim yozgan ekan o'sha xatni? Aslida bu xatni o'g'ilning onasi yozgan, sandiqqa qo'ygan. «Shu sandiqda oltin borga o'xshaydi», - deb o'ylagan o'g'il sandiqqa qiziqib, onasiga qaragan. Ona shunday bo'lishini bilgan va xatni sandiq ichiga yashirib qo'ygan.

Ushbu ertagim barchaga dars bo'lsin.

Visola QARSHIBOYEVA,
Mirobod tumanidagi
175-maktabning
5-«V» sinf o'quvchisi.

BEVAFO O'G'IL

tayoriga ayyor ekanligini sezmasdi ham. Ayolning hayoti yaxshilanib borayotgan pallada o'g'li: «Ona, sandiqda nima bor?» - deb so'rabdi. Shunda onasi: «Shu qarovsiz xonadondagi eski bir sandiqda nima ham bo'lardi?». Ammo o'g'il onasiga ishonmasdi va yana savol beribdi: «Bu sandiqning kaliti qayerda ekan?».

Onasi esa: «Esimda yo'q bolam, nima edi?», deb so'rabdi.

hech narsa sezmagandek o'tiraveribdi. Bir necha oydan keyin ona vafot etibdi. «Mehribon o'g'li», hatto tobutni ko'tarishga yoki bir siqim tuproq tashlashga ham yaramabdi. Bir kuni katta bolta bilan ichkariga kiribdi. Sandiqni buzibdi. Uning ichida bir xat bor edi. O'g'il xatni ochibdi. Xatda shunday gaplar yozilgan edi: «Kimki onaning qadriga yetmasa, onadan xabar olmasa, u bir maxluqdir. Hatto



Bir qishloqda kampir nevarasi bilan yashar ekan. Kampir erta bahorda polizga karam, sabzi, piyoz ekibdi. Kampirga poliz ishlarida nabirasi yordamlashar ekan.

Kunlarning birida kampir nabirasiga bozordan ikkita quyon sotib olib beribdi. Biri oq, ikkinchisi qora rangda ekan. Kampirning nabirasi oq quyonga «Momiq» deb nom qo'yibdi, qora quyonchani esa «Qoraxon» deb atabdi. Ularga juda chiroyli uycha qurib beribdi.

Quyunchalarni har kuni erkalatib o'ynatar ekan. Ular juda to'polonchi ekanlar. ham

Quyunchalar kampirning nabirasini juda sevib qolishibdi.

Kampir nabirasiga:


-Hoy bola, quyunchalarni juda jonimga tegdi, endi bozorga olib borib, sotib yuboraman, - debdi.

Bu gapni eshitib, quyunchalar juda xafa bo'lishibdi. Chunki ular kampirning nabirasiga o'rganib qolgandi-da. Shunda kampirning nabirasi buvisini xursand qilish

uchun ularga poliz ishlarida yordam berishlarini aytibdi. Quyunchalar jon deb rozi bo'lishibdi.

MOMIQ VA QORAXON

Shu orada kuz fasli ham kelib, yig'in-terim boshlanibdi. Kampir endi bu ekinlarni qanday qilib terib olamiz, deb o'ylab poliz boshiga borsa - qoplarda sabzi, karam, piyoz terilgan emish. Kampir hayron bo'lib, kim terdi ekan, deb polizga qarab tursa, polizdan karam dumalatib Momiq bilan Qoraxon chiqib kelishibdi. Kampirning nabirasi ularning ortidan sabzi va piyozni qopga



solib olib chiqayotgan ekan. Kampir ularni ko'rib, xursand bo'lib ketibdi.

Shunda kampir nabirasiga:

-Bolajonim, quyunchalarni juda yaxshi yordamchi ekanlar, ularga katta rahmat, -debdi. Quyunchalar buni eshitib, juda xursand bo'lishibdi. Kampirning nabirasi esa xursand bo'lib, kulib qo'yibdi.

Zamira AXROROVA,
272-maktabning 3-«A» sinf
o'quvchisi.

IZTIROB

Bugun osmonning kayfiyati buzuq. Undagi tundlik bulutlarga ham ko'chgan. Bulutlarning kayfiyati buzilmasin ekan. Bunday paytlarda qani endi uning ko'z yoshlarini to'xtatib bo'lsa... Shamol qurg'ur buni bila turib, hadeb unga tegajoqlik qilaveradi. Ularning noo'rin baxsidan yerdagi qushlarga jabr. Inlaridan chiqa olmay, yemishsiz qoladilar. Ayniqsa, maysalarning ahvoliga maymunlar yig'laydi. Nozik tanasini shamol zirqiratgani yetmaganidek, yomg'irning savalashi ortiqcha...

Qani imkoni bo'lsa-yu osmonning ko'ngliga yo'l topib, bulut bilan shamolni yarashtirib qo'ysang.

Malika YOQUBOVA,
Mirzo Ulug'bek nomli O'zMI qoshidagi fanlarni
chuqur o'zlashtirishga yo'naltirilgan 7-sinf
o'quvchisi.



O'TGAN SONDAGI


BOSHQOTIRMANING JAVOBI:

1. Olcha. 2. Guli. 3. Lola. 4. Xola. 5. Metr. 6. «Umid». 7. Dono. 8. Noma. 9. Makr. 10. Uloq. 11. Olov. 12. Vafo. 13. Oshna.

BILAG'ON BOLALAR DIQQATIGA!

Siz «Tong yulduzi» gazetasi sahifalarida uchraydigan xatolarni albatta topib, bizga yozib yuboring. Chunki atayin bilag'on va topag'onligingizni sinash maqsadida harflar tushirib qoldiriladi yoki qo'shib qo'yiladi. Tinish belgilari o'z o'rnida ishlatilmaydi...

Maqsadimiz: bilimli bo'ling. Chunki osmonni yulduzlar, yerni esa bilimlilar bezar.



KETMA-KETLIKDA:


1. Yo'l boshchi. 2. Do'st. 3. Baliqchilar asbobi. 4. Qattiq sovuq. 5. Mevali daraxtning birinchi hosili. 6. Otaning akasi yoki ukasi. 7. Matonat. 8. Sherning yana bir nomi. 9. Yosh xonandalarga beriladigan mukofot. 10. Tog' guli. 11. Bayramdan oldingi kun. 12. Namozga chaqirish. 13. Milliy shirinlik. 14. Harbiy xizmatchi. 15. Buxoro viloyatidagi tuman. 16. Begona. 17. Buzilgan mashinani tortib

borish. 18. Shokolad daraxti. 19. Ummon. 20. O'zbekcha yangi yil kuni. 21. G'alaba.

CHAPDAN O'NGGA:

22. «Kuch - ... dadir!» (Amir Temur). 23. Libos. 24. Harbiy unvon. 25. O'quvchi qiz bolalarning maktab libosi. 26. Oliy tabaqadagi Samarqand viloyati futbol jamoasi. 27. Temir qush.

Tuzuvchi:
Shezrod ZOYIROV,
Toshkentdagi 229-maktab
o'quvchisi.



TONG YULDUZI

O'zbekiston bolalari va o'smirlarining gazetasi

Muassislar:
O'ZBEKISTON
RESPUBLIKASI
DAVLAT MATBUOT
QO'MITASI,
O'ZBEKISTON
RESPUBLIKASI
XALQ TA'LIMI
VAZIRLIGI,
«SOG'LOM AVLOD
UCHUN» XAYRIYA
JAMG'ARMASI

BOSH MUHARRIR:

Umida

ABDUAZIMOVA

TAHRIR HAY'ATI:

Shuhrat AHMEDOV,

Jamoliddin FOZILOV,

Oynisa

MUSURMONOVA,

Komil YUSUPOV,

Mukarrama

MURODOVA,

Sunnatilla QO'ZIYEV,

Ergashvoy SARIQOV.

Noshir

«Ijod dunyosi»
nashriyot uyi

Gazeta «Ijod dunyosi»
nashriyot uyi kompyuter
bo'limida terib
sahifalandi.

Hajmi A-3, 2 bosma
taboq.

«Sharq» nashriyot-
matbaa aksiyadorlik
kompaniyasida 58.519
nuxxada ofset usulida
bosildi.

Korxonada manzili:
«Buyuk Turon»
ko'chasi, 41.

Buyurtma № F-2392

Gazetani
Muhabbat
MAHSUDOVA
sahifaladi.
Navbatchi:
Muharrama
PIRMATOVA

Ro'yxatdan o'tish
tartibi № 000137
Manzilimiz 700129,
Toshkent shahri,
Navoiy ko'chasi,
30-uy.

Tel: 144-62-34.
144-63-08